

**-KOLEGIJ SEKRETARA-**

Broj: 0105-4321-1/25

Sarajevo, 28. 04. 2025. godine

Z A P I S N I K
SA 11. SJEDNICE KOLEGIJA SEKRETARA
UNIVERZITETA U SARAJEVU
ODRŽANE 28. 04. 2025. GODINE

Prisutne/i sekretarke/i: Ornela Đakušić, Akademija scenskih umjetnosti, Aida Sarajlić Ovčina, Elektrotehnički fakultet, Muamer Starhonić, Fakultet islamskih nauka, Umihana Mahmić, Fakultet političkih nauka, Đenita Krnić, Fakultet za saobraćaj i komunikacije, Maja Skopljak, Farmaceutski fakultet, Maida Bešić, Filozofski fakultet, Sabina Bajrić, Građevinski fakultet, Sanja Miličević, Katolički bogoslovni fakultet, Anis Krivić, Medicinski fakultet, Lamija Selman, Muzička akademija, Binasa Nikšić, Pedagoški fakultet, Fatima Tiro-Čindrak, Poljoprivredno-prehrambeni fakultet, Emir Džaferović, Institut za genetičko inženjerstvo i biotehnologiju, Vasvija Kapo, Orijentalni institut, Suada Avdić-Ćinara, Institut za jezik i Fatima Išerić, Institut za historiju.

Odsutne sekretarke/i: Elma Đozo, Akademija likovnih umjetnosti, Sanela Đogić, Arhitektonski fakultet, Senada Lalić (po ovlaštenju), Ekonomski fakultet, Ermina Bakić, Fakultet za kriminalistiku, kriminologiju i sigurnosne studije, Alma Čeljo, Fakultet sporta i tjelesnog odgoja, Amela Jašarević, Fakultet zdravstvenih studija, Amel Kasapović, Mašinski fakultet, Haris Starhonić, Pravni fakultet, Jasmina Hasanbegović, Prirodno-matematički fakultet, Edisa Lišić, Stomatološki fakultet sa stomatološkim kliničkim centrom, Delila Salihović, Šumarski fakultet, Sabrina Grbo, Veterinarski fakultet, Edis Ikanović, Institut za istraživanje zločina protiv čovječnosti i međunarodnog prava i Emir Smajić, Fakultet za upravu – pridružena članica Univerziteta u Sarajevu.

Sjednici prisustvuju: Svjetlana Bajramović, Medicinski fakultet, Berina Smajlović Doljančić, rukovoditeljica Službe za pravne poslove, Semir Đulić, rukovodilac Službe za imovinu i Ilhana Lekić, viša stručna saradnica u Službi za pravne poslove.

Sjednica je počela u 12:00 sati.

Sjednicom je predsjedavao Kenan Filipović, generalni sekretar Univerziteta u Sarajevu.

Na prijedlog generalnog sekretara jednoglasno je usvojen slijedeći

DNEVNI RED:

1. Usvajanje zapisnika:
 - a) Zapisnik sa 9. sjednice Kolegija sekretara Univerziteta u Sarajevu od 20. 02. 2025. godine
 - b) Zapisnik sa 10. sjednice Kolegija sekretara Univerziteta u Sarajevu od 12. 03. 2025. godine
2. Stav Kolegija sekretara Univerziteta u Sarajevu u vezi sa Nacrtom Pravilnika o službenim putovanjima na Univerzitetu u Sarajevu i Nacrtom Pravilnika o uslovima nabavke i korištenju službenih motornih vozila na Univerzitetu u Sarajevu
3. Analiza implementacije Pravilnika o radu Univerziteta u Sarajevu i Pravilnika o plaćama i naknadama Univerziteta u Sarajevu
4. Analiza poslovnika o radu vijeća članica Univerziteta u Sarajevu
5. Tekuća pitanja.

TOK SJEDNICE:

Ad-1.

Jednoglasno je usvojen Zapisnik sa 9. sjednice Kolegija sekretara Univerziteta u Sarajevu od 20. 02. 2025. godine i Zapisnik sa 10. sjednice Kolegija sekretara Univerziteta u Sarajevu od 12. 03. 2025. godine.

Ad-2.

Gospodin Kenan Filipović pozvao je članove i članice Kolegija da se aktivno uključe u dostavljanje prijedloga i sugestija na dostavljeni Nacrt Pravilnika o službenim putovanjima na Univerzitetu u Sarajevu, kao i Nacrt Pravilnika o uslovima nabavke i korištenju službenih motornih vozila na Univerzitetu u Sarajevu. Tom prilikom istakao je da su nacrti izrađeni s ciljem usklađivanja i ujednačavanja pravne regulative u navedenim oblastima na nivou cijelog Univerziteta.

Ad-3.

U okviru ove tačke dnevnog reda konstatovano je da određeni broj članica Univerziteta u Sarajevu do ovog trenutka nije dostavio opći akt o unutrašnjoj organizaciji i sistematizaciji radnih

mjesta usklađen s Pravilnikom o radu Univerziteta u Sarajevu. Istaknuto je da će se, nakon što budu objedinjene sistematizacije svih članica, moći pristupiti izradi cjelovite analize stanja. Također je naglašeno da se kod onih članica koje su već uskladile navedeni opći akt, izmjene ugovora o radu vrše isključivo za radna mjesta kod kojih je došlo do izmjena u sistematizaciji. U vezi s implementacijom Pravilnika o plaćama i naknadama Univerziteta u Sarajevu, diskutovano je o potrebi izrade pojedinačnih rješenja o plaćama za svakog zaposlenika. Istaknuto je da je ova praksa važna radi transparentnosti i usklađenosti sa zakonskom regulativom. Također je otvoreno pitanje potrebe izrade jedinstvenog akta o ocjenjivanju radnog učinka na nivou Univerziteta. Dogovoreno je da će se o svim navedenim temama dodatno raspravljati na narednoj sjednici Kolegija sekretara.

Ad-4.

Gospodin Kenan Filipović je zatražio da članice koje do ovog trenutka nisu dostavile svoje poslovnike o radu vijeća usaglašene sa Statutom Univerziteta u Sarajevu, isto dostave što je moguće prije.

Ad-5.

Na održanoj sjednici diskutirano je o pravu na isplatu naknade za topli obrok za dane provedene na službenom putu. Također je otvorena diskusija o potrebi utvrđivanja minimalnog iznosa naknade koja se može isplatiti angažiranim stručnjacima iz prakse koji učestvuju u realizaciji nastavnog procesa na članicama Univerziteta. Naglašeno je da bi jasno definisani iznosi naknade doprinijeli boljoj valorizaciji rada stručnjaka iz prakse.

Članice i članovi Kolegija su zaključili da će se naredna sjednica Kolegija sekretara održati 22. maja 2025. godine na Univerzitetu u Sarajevu – Filozofskom fakultetu.


Sjednica je završena u 13:15 sati.

PREDSJEDAVAJUĆI



Kenan Filipović, dipl.iur. generalni sekretar

Za Zapisnik:



Alma Voloder-Madacki, dipl.iur.